



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49.49213377

თარიღი:03/12/2021

გ ა ნ კ ა რ გ უ ლ ე ბ ა № 120

წყალტუბოს მუნიციპალიტეტის საკრებულოს ფრაქცია

„ერთიანი ნაციონალური მოძრაობა“-ს შექმნის,

შემადგენლობისა და წესდების დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“ 30-ე და 38-ე მუხლების შესაბამისად:

1. ცნობად იქნეს მიღებული 2021 წლის 3 დეკემბრიდან წყალტუბოს მუნიციპალიტეტის საკრებულოს ფრაქცია „ერთიანი ნაციონალური მოძრაობა“-ს შექმნა, შემდეგი შემადგენლობით: თავმჯდომარე – მამუკა სალარეიშვილი; მოადგილეები: სალომე ჯიმშელიშვილი, დავით ხიდეშელი, ზურაბ ლეჟინაძე, ვასილ მხეცაძე. წევრები: ფიქრია ერემეიშვილი, თენგიზ გოგელია, ავთანდილ გაბუნია, სოფიო ბოლქვაძე, გალაქტიონ ხარაბაძე, რუსუდან მანაგაძე, ზურაბ იოსელიანი.
2. დამტკიცდეს ფრაქცია „ერთიანი ნაციონალური მოძრაობა“-ს წესდება (თან ერთვის).
3. განკარგულება ძალაშია გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მისამართი: ქ.ქუთაისი,კუპრადის ქ.№11).

თეიმურაზი ჭეიშვილი

წყალტუბოს მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



საკრებულოს ფრაქცია „ერთიანი ნაციონალური მოძრაობა“

წესდება

მუხლი 1. ზოგადი დებულებები

1. საკრებულოს ფრაქცია „ერთიანი ნაციონალური მოძრაობა“ (შემდგომში - „ფრაქცია“) არის საკრებულოს პოლიტიკური სუბიექტი, რომელშიც საკრებულოს წევრები საერთო პოლიტიკური შეხედულებების საფუძველზე ნებაყოფლობით ერთიანდებიან საერთო პოლიტიკური მიზნების მისაღწევად.
2. ფრაქციის შექმნისა და საქმიანობის სამართლებრივი საფუძველია საქართველოს კონსტიტუცია, ადგილობრივი თვითმმართველობის კოდექსი, საკრებულოს რეგლამენტი და სხვა შესაბამისი ნორმატიული აქტები.
3. ფრაქციის ოფიციალური სახელწოდება: ქართულ ენაზე - „ერთიანი ნაციონალური მოძრაობა“ - ინგლისურ ენაზე - **Faction "United National Movement"**

მუხლი 2. ფრაქციის მიზნები და ამოცანები.

ფრაქციის ძირითადი მიზნები და ამოცანებია:

- ა) საკრებულოსა და მისი ორგანოების საქმიანობაში მონაწილეობა;
- ბ) ფრაქციის წევრების აქტიურობის გაზრდისა და შესაძლებლობათა მაქსიმალური გამოვლენისადმი ხელშეწყობა;
- გ) საკრებულოს საქმიანობის განხორციელებისას ფრაქციის შეჯერებული აზრის გამოხატვა, ზედამხედველობა და კონტროლი.
- დ) ფრაქციის მიზანია საკრებულოს მიერ საკითხების განხილვა-გადაწყვეტისას თავისი პოლიტიკური კურსის გამოხატვა და გატარება.
- ე) სამოქალაქო საზოგადოების საკრებულოს საქმიანობაში ჩართულობის უზრუნველყოფა, სოციალური და ეკონომიკური უფლებების დაცვა.
- ვ) ბიუროკრატიული ხარჯების შემცირება, ბიზნესისა და ინვესტიციების დაცულობა, გაძლიერება.
- ზ) საკუთრების უფლების დაცვის მყარი გარანტიის უზრუნველყოფა.
- თ) ადგილობრივი თვითმმართველობის განვითარებისათვის ხელშეწყობა;

მუხლი 3. ფრაქციის ძირითადი უფლებამოსილებები

ფრაქციის უფლებამოსილია:

- ა) მოახდინოს საკრებულოში ადმინისტრაციულ-სამართლებრივი აქტების ინიცირება
- ბ) შეკითხვით მიმართოს საკრებულოს წინაშე ანგარიშვალდებულ ორგანოებს და მერსას.
- გ) მოითხოვოს საკრებულოს რიგგარეშე სხდომის მოწვევა.
- დ) უფლება აქვს მოითხოვოს სხდომათა დარბაზში ფრაქციისთვის ადგილის გამოყოფა ხოლო საკრებულოს შენობაში – სამუშაო ფართობის გამოყოფა.
- ე) განახორციელოს საკრებულოს რეგლამენტით და კანონმდებლობით მისთვის მინიჭებული სხვა უფლებამოსილებები.

მუხლი 4. ფრაქციის სტრუქტურა და საქმიანობის წესი

1. ფრაქციის უმაღლესი ორგანოა ფრაქციის სხდომა.

2. ფრაქციის სხდომა როგორც წესი დახურულია. გადაწყვეტილება ფრაქციის ღია სხდომის გამართვის შესახებ მიიღება სრული შემადგენლობის უმრავლესობით ფრაქციის თავმჯდომარის ან ფრაქციის არანაკლებ 2 წევრის მოთხოვნის საფუძველზე.
3. ფრაქციის სხდომები იმართება საჭიროებისამებრ, მაგრამ არანაკლებ თვეში 1 სხდომისა. საჭიროებისამებრ ფრაქციის სხდომის მოწვევის უფლება აქვს ფრაქციის თავმჯდომარეს საკუთარი ინიციატივით ან ფრაქციის არანაკლებ 2 წევრის წერილობითი მოთხოვნის საფუძველზე.
4. ფრაქციის სხდომა უფლებამოსილია, თუ მას ესწრება ფრაქციის წევრთა სიითი უმრავლესობა.
5. ფრაქციის სხდომის დღის წესრიგს ადგენს და ფრაქციის სხდომას დასამტკიცებლად წარუდგენს ფრაქციის თავმჯდომარე.
6. ფრაქციის სხდომა დღის წესრიგს ამტკიცებს ფრაქციის სხდომაზე დამსწრე წევრთა უმრავლესობით, მაგრამ არანაკლებ სხდომის გახსნისათვის (უფლებამოსილებისათვის) დადგენილი ზღვარის ნახევრისა.
7. დღის წესრიგში ცვლილებებში (საკითხის ამოღება ან დამატება) შეტანის ინიცირების უფლება აქვს ფრაქციის წევრს. გადაწყვეტილება მიიღება ამ მუხლის მე-6 პუნქტით დადგენილი წესით.
8. თუ წესდებით სხვა რამ არ არის გათვალისწინებული ფრაქციის სხდომაზე გადაწყვეტილებები მიიღება დამსწრე წევრთა უმრავლესობით, მაგრამ არანაკლებ ფრაქციის სიითი შემადგენლობის ერთი მესამედისა.
9. ფრაქციის სხდომა უფლებამოსილია:
 - ა) შეიტანოს ცვლილებები დამატებები ფრაქციის წესდებაში;
 - ბ) მიიღოს გადაწყვეტილება საკრებულოს სხდომაზე განსახილველი საკითხის შესახებ. ფრაქციის ერთიანი პოზიციის გამოხატვის თაობაზე;
 - გ) აირჩიოს ფრაქციის თანამდებობის პირები;
 - დ) გადაწყვიტოს ფრაქციის საქმიანობასთან დაკავშირებული ცალკეული საკითხები;
 - ე) რეგლამენტით დადგენილი წესით წარადგინოს კანდიდატები საკრებულოს თანამდებობის პირთა არჩევით თანამდებობაზე;
 - ვ) გადაწყვიტოს ფრაქციის წარმომადგენლობის კვოტების გამოყენების წესი;
 - ზ) შეიმუშავოს ფრაქციის ბიუჯეტის ხარჯვის წესი;
 - თ) განიხილოს და გადაწყვიტოს ფრაქციაში საკრებულოს წევრის გაწევრიანებისა და ფრაქციიდან ფრაქციის წევრის გარიცხვის საკითხი.
 - ი) განახორციელოს საკრებულოს რეგლამენტითა და საქართველოს კანონმდებლობით, ასევე ამ წესდებით გათვალისწინებული უფლებამოსილება.

მუხლი 5. ფრაქციის თავმჯდომარე

1. ფრაქცია თავისი შემადგენლობიდან ფრაქციის სხდომაზე ღია კენჭისყრით, ფრაქციის წევრთა სრული შემადგენლობის უმრავლესობით ირჩევს ფრაქციის თავმჯდომარეს.
2. ფრაქციის თავმჯდომარის კანდიდატურის დასახელების უფლება აქვს ფრაქციის არანაკლებ 2 წევრს.
3. ფრაქციის თავმჯდომარე:
 - ა) ხელმძღვანელობს ფრაქციის საქმიანობას;
 - ბ) წარმოადგენს ფრაქციას საკრებულოში და მის გარეთ;
 - გ) იწვევს და წარმართავს ფრაქციის სხდომას;
 - დ) ხელს აწერს ფრაქციის სხდომის ოქმს.
 - ე) ახორციელებს კანონმდებლობითა და წესდებით გათვალისწინებულ სხვა უფლებამოსილებებს.
4. ფრაქციის თავმჯდომარეს უფლება აქვს ნებისმიერ დროს გადადგეს ფრაქციის თავმჯდომარის თანამდებობიდან.
5. ფრაქცია უფლებამოსილია გადააყენოს ფრაქციის თავმჯდომარე დაკავებული თანამდებობიდან, თუ ამას წერილობით მოითხოვს ფრაქციის წევრთა არანაკლებ ერთი მესამედი. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლესი სხდომის დღის წესრიგში. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის

უახლოესი სხდომის დღის წესრიგში. ფრაქციის თავმჯდომარე გადაყენებულად ჩაითვლება, თუ გადაწყვეტილებას მხარს დაუჭერს ფრაქციის წევრთა სიითი შემადგენლობის უმრავლესობა.

მუხლი 6. ფრაქციის თავმჯდომარის მოადგილეები

1. ფრაქცია თავისი შემადგენლობიდან, ღია კენჭისყრით, ფრაქციის წევრთა უმრავლესობით ირჩევს ფრაქციის თავმჯდომარის მოადგილეებს
2. ფრაქციის თავმჯდომარის მოადგილეების კანდიდატურის დასახელების უფლება აქვს ფრაქციის თავმჯდომარეს ან ფრაქციის არანაკლებ 2 წევრს.
3. ფრაქციის თავმჯდომარის მოადგილე
 - ა) ფრაქციის თავმჯდომარის დავალებით ხელმძღვანელობს ფრაქციის საქმიანობის ცალკეულ მიმართულებებს.
 - ბ) ასრულებს ფრაქციის თავმჯდომარის მოვალეობას, მისი არყოფნისას ან მისი პირდაპირი დავალებით.
 - გ) წარმართავს ფრაქციის შიდა ორგანიზაციულ საქმიანობას.
4. ფრაქციის თავმჯდომარის მოადგილე შეიძლება გადაყენებულ იქნეს დაკავებული თანამდებობიდან თუ ამას მოითხოვს ფრაქციის თავმჯდომარე ან ფრაქციის წევრთა არანაკლებ ერთი მესამედი წერილობით. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოეს სხდომის დღის წესრიგში. ფრაქციის თავმჯდომარის მოადგილე გადარჩეულად ჩაითვლება თუ გადაწყვეტილებას მხარს დაუჭერს ფრაქციის წევრთა სრული შემადგენლობის უმრავლესობა.

მუხლი 7. ფრაქციის წევრი და მისი უფლება მოვალეობები

1. ფრაქციის წევრი შეიძლება გახდეს საკრებულოს ნებისმიერი წევრი, რომელიც იზიარებს ფრაქციის მიზნებს და ეთახმება წესდებას.
2. ფრაქციაში გაწევრიანებისათვის საკრებულოს წევრი განცხადებით მიმართავს ფრაქციის თავმჯდომარეს, რომელსაც საკრებულოს წევრის ფრაქციაში გაწევრიანების საკითხი შეაქვს ფრაქციის უახლოესი სხდომის დღის წესრიგში.
3. ფრაქციაში საკრებულოს წევრის გაერთიანების შესახებ გადაწყვეტილება მიღებულად ჩაითვლება თუ მხარს დაუჭერს ფრაქციის შემადგენლობის უმრავლესობა.
4. ფრაქციის წევრი ვალდებულია:
 - ა) დაიცვას ფრაქციის წესდება;
 - ბ) დაიცვას ფრაქციის სხდომის მიერ მიღებული გადაწყვეტილებები და ფრაქციის თავმჯდომარის მითითებები.
 - გ) არ განახორციელოს ფრაქციის პოლიტიკური კურსის საწინააღმდეგო ქმედება.
5. ფრაქციის წევრს უფლება აქვს:
 - ა) ფრაქციის წესდების შესაბამისად მონაწილეობა მიიღოს ფრაქციის თანამდებობის პირების არჩევაში ან თავად იყოს არჩეული.
 - ბ) ფრაქციის გადაწყვეტილებით გამოვიდეს ფრაქციის სახელით.
 - გ) რეგლამენტით დადგენილი წესით გავიდეს ფრაქციის შემადგენლობიდან.
6. ფრაქციას უფლება აქვს სრული შემადგენლობის უმრავლესობით მიიღოს გადაწყვეტილება თავისი შემადგენლობიდან ფრაქციის წევრის გარიცხვის შესახებ თუ:
 - ა) მისი საქმიანობა ეწინააღმდეგება ფრაქციის ამოცანებს;
 - ბ) მისი საქმიანობა ეწინააღმდეგება ფრაქციის მიზნებს;
 - გ) განზრახ ან არასაკმარისი მიზეზით არღვევს ფრაქციის წესდების მოთხოვნებს;
7. ფრაქციის წევრის ფრაქციიდან გარიცხვის მოთხოვნის უფლება აქვს ფრაქციის თავმჯდომარეს ან ფრაქციის შემადგენლობის არანაკლებ ერთ მესამედს. ფრაქციიდან ფრაქციის წევრის გარიცხვის მოთხოვნა წერილობით უნდა იყოს დასაბუთებული.

მუხლი 8. ფრაქციის წესდების გადასინჯვა

1. ფრაქციის წესდების ზოგადი ან ნაწილობრივი გადასინჯვის ინიცირების უფლება აქვს ფრაქციის თავმჯდომარეს, ფრაქციის არანაკლებ 2 წევრისა.
2. ფრაქციის თავმჯდომარე ვალდებულია უზრუნველყოს წესდების ზოგადი ან ნაწილობრივი გადასინჯვის პროექტი გააცნოს ფრაქციის ყველა წევრს და საკითხის ინიცირებიდან 1 თვის ვადაში იგი შეიტანოს ფრაქციის სხდომის დღის წესრიგში.
3. ფრაქციის წესდების ზოგადი ან ნაწილობრივი გადასინჯვის შესახებ გადაწყვეტილებას იღებს ფრაქციის სხდომა, თუ მას მხარს დაუჭერს ფრაქციის სრული შემადგენლობის ორი მესამედი.

მუხლი 9. ფრაქციის გაუქმება

ფრაქცია ჩაითვლება გაუქმებულად, თუ ფრაქციიდან წევრთა გასვლის ან გარიცხვის შედეგად მასში გაერთიანებული დარჩება საკრებულოს 3 წევრზე ნაკლები.